

INUIT ATAQATIGIIT INATSISARTUNI



UKA2023/27

27. September 2023

Kristian Jeremiassen

Siunnersuut uunga: Suliffissarsiortunut ikiorsiissutit pillugit Inatsisartut inatsisaannik allannguineq pillugu Inatsisartut inatsisaat (Qaqugukkulluunniit tamanut ammasumik suliffinnut nittartakkami il.il. suliffissarsiortut nalunaarsortinneq) Saqqummiussissut (Isumaginninnermut, Suliffeqarnermut Nunamullu Namminermut Naalakkersuisoq) Siullermeerneqarnera

Imminut napatissinnaaneruneq imminut pilersorneq inuiaqatingiinnilu nammaqataaneq matumanna inatsisikkut ilaatigut qulakkeerniarneqarpoq.

Taamatut aallaqqaasisinnarluta Inuit Ataqatigiit tikikkusutatta siulliit ilagivaat inuusuttut suliffissarsioratik inuiaqatingiinnilu nammaqataanatik 3000-it missaanik tagginneqartartut taakkununga piaartumik iliuuseqaqqullugit ingerlariarteqqinniarlugit Naalakkersuisut kommune-nik suleqateqaqqullugit.

Inuusuttummi taakkua uninngaannartut piffissami sivisunerusumi suli iliuuseqarfingineqaratik "angerlarsimarusaartut pilersorneqartullu piaartumik iliuuseqarfingineqanngippata inuiaqatingiinnut suli oqimaannerulissapput aningaasaqarnikkut oqimaattorsiortitsilerlutillu.

Suliffissarsiortarneq eqqarsaatigalugu inuusuttut taama iliuuseqarfingineqarnissaat Inuit Ataqatigiit kissaatinginartippaat tassunga ilanngullungu apeqqutingerusupparput produktionsskole-nik pilersitsinissaq qaqugu naalakkersuisut naammassissamaarneraat? Suliffissarsiortut sulilerseqqinnissaanut aqqutissat pingaarutillit ilangimmassuk.

Suliffissaaleqineq appasippoq illoqarfinni nunaqarfinnilu sulisussanik amingaateqarneq ajornartorsiutit ilagivaat tassalu suli utoqqaliartortut amerlallutik kinguaariillu nikinneranni sulisussat suli amingaataangaluttuinna-sapput taamaamat Inuit Ataqatigiit aallaqqaasiinitsinni oqaatingivarput

INUIT ATAQATIGIIT INATSISARTUNI



inuusuttut suliffissarsiortuunngitsut
suliffingineqartariaqarput.

pilertornerusumik

Siunnersuummut taamatut oqaaseqarlutta
ingerlateqqipparput.

ataatsimiititaliamut

Qujanaq.